

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
Općinsko vijeće

Broj:01-02-5670/22  
Sarajevo, 05.04.2022. godine

## **OPĆINA NOVI GRAD SARAJEVO** **OPĆINSKI NAČELNIK**

**PREDMET:** Vijećnička pitanja i inicijative, dostavlja se

Na 13. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

### **a) Vijećničke inicijative**

#### **-vijećnica Merjem Ridžal-**

#### **1.INICIJATIVU ZA UGRADNJU LED RASVJETE**

Obratila mi se neformalna grupa građana sa prikupljenih preko 200 potpisa podrške za rješavanje problematike veoma loše ulične rasvjete u pojedinim ulicama Aerodromskog naselja i naselja Mahalaa. Građani su istakli svakodnevne probleme u pogledu nesigurnosti, prepada te padova djece i starijih lica u večernjim i noćnim satima uzrokovanih lošom uličnom rasvjetom. Radi se o slijedećim ulicama koje je potrebno pokriti novom uličnom LED rasvjetom:

Ulica Akifa Šeremeta  
Ulica Andreja Andrejevića  
Ulica Franca Prešeerna  
Ulica Rudi Čajava  
Ulica Rudolfa Rude Tomića  
Ulica Šefika Dorića  
Ulica Šukrije Pandže  
Ulica Senada Poturak Senči

Lično smatram njihov zahtjev opravdanim te u tom smislu podnosim vijećničku inicijativu da se podrži ovaj projekat iz budžetskih sredstava za ovu namjenu u ovoj godini. Ukoliko to nije moguće iz opravdanih razloga, tražim da se rješavanje ove Inicijative uvrsti u narednu budžetsku godinu. U prilogu dostavljam i skeniran originalni dokument inicijative građana sa potpisima.

#### **-vijećnica Maja Muftić Dedović-**

1.Pokrećem inicijativu da se ispita da li je za objekat izgrađen u prolazu u ulicu Williama Shakespearena na broju 4. izdata urbanistička saglasnost, odobrenje za građenje, upotrebna dozvola i drugi upravni akati prema odredbama Zakona, Ukoliko se uspostavi da akti ne posotje iniciram da se ukloni bespravno izgrađeni objekat.

2. Pokrećem inicijativu da se postave saobraćajna konveksna ogledala na spoju Humačka ploča i Nusreta Brkića, kao i na spoju Saita Orahovca i Numan paše Čuprilića.

3. Pokrećem inicijativu da se na spoju ulica Safeta Zajke i Senada Čolića ugradi prepreka u dužini od 20 m sa ciljem onemogućavanja parkiranja vozila. Slika u prilogu. Građani Naselja heroja Sokolje već duže vrijeme apeluju na ovu problematiku u cilju očuvanja života i izbjegavanja udesa i svjedoče nemilim situacijama pri uključivanju iz ulice Senada Čilića u ulicu Safeta Zajke uslijed nepreglednosti zbog nedozvoljeno parkiranih vozila.

### **-vijećnik Adi Škaljić-**

1. Upućujem inicijativu za dodjelu finansijskih sredstava potrebnih za kupovinu članskih karti JU "Biblioteke Sarajeva" za građane koji imaju prebivalište na području Općine Novi Grad Sarajevo. OBRAZLOŽENJE Naša općina treba prepoznati značaj projekta čiji je osnovni cilj popularizacija čitanja što je izrazito bitno u današnjem vremenu. Također, na ovaj način bi se pomoglo ovoj Javnoj ustanovi koja je institucija Kantona, a koja treba finansijsku pomoć u svakodnevnom radu, te nabavci potrebne opreme. Ovakav projekat već su pokrenule općine Centar Sarajevo, Novo Sarajevo i Ilidža.

2. upućujem inicijativu za izradu oficijelnih facebook stranica mjesnih zajednica koje egzistiraju na području naše općine.

OBRAZLOŽENJE Mjesne zajednice, odnosno njihovi savjeti trebali bi svoj rad i servisne informacije plasirati preko oficijelnih stranica na društvenim mrežama. Ove stranice treba kreirati nadležna služba te pristupne podatke povjeriti isključivo sekretarima. Sekretari i sekretarke trebaju biti ovlaštene, ali i obavezani da na ovim stranicama objavljuju relevantne podatke. S obzirom da trenutno nemamo zvanične facebook stranice, građani koriste stranice koje se lako mogu zloupotrijebiti u smislu političke promocije, ali i plasiranja netačnih informacija.

3. vijećnička pitanja:

- Da li je tačno da je Općina Novi Grad Sarajevo izdala ili dala na korištenje parking mjesta u naselju Alipašino polje A-faza ugostiteljskom objektu „Venera“ i trgovini namještajem „Cilek“?

- Ako je odgovor na prvo pitanje potvrđan, o koliko parking mjesta se radi, te da li ova mjesta pripadaju stanarima okolnih zgrada?

OBRAZLOŽENJE Stanari ovog dijela naselja upoznali su me sa navedenom informacijom. Izrazili su nezadovoljstvo davanjem parking mjesta na raspolaganje pravnim licima, jer smatraju da stanari objekata kolektivnog stanovanja koji se nalaze u blizini polažu pravo na ta mjesta.

4. Upućujem vijećničku inicijativu za izradu i potpisivanje Sporazuma o saradnji između Općine Novi Grad Sarajevo i Pozorišta mladih Sarajevo, kojim bi se omogućilo redovno igranje predstava za mlade u Multimedijalnoj sali Općine Novi Grad Sarajevo.

O B R A Z L O Ž E N J E: S obzirom na to da u našoj općini odnedavno egzistira najveći multipleks u državi, kojeg čini 10 kino sala sa preko 1400 mjesta, očekivati je da će projekat Kina Novi Grad teško opstati. Međutim, to ne trebamo da posmatramo kao problem, već kao priliku. Multimedijalna sala Novi Grad Sarajevo prostor je pogodan za izvođenje pozorišnih predstava, za koje mladi sa područja naše, najmnogoljudnije općine, trenutno moraju putovati u Općinu Centar Sarajevo. Kao pripremu za ovu inicijativu obavio sam razgovor sa V.D. direktorom Pozorišta mladih gospodinom Ismirom Fazlićem, koji se pozitivno izjasnio povodom ove ideje, spomenuvši da se na trenutnom repertoaru pozorišta nalaze predstave koje je moguće igrati u Multimedijalnoj sali. Zbog svega navedenog, a prvenstveno zbog mladih sa prostora naše općine, koji su u smislu dostupnosti kulturnih sadržaja u znatno nepovoljnijoj situaciji u odnosu na svoje vršnjake iz drugih gradskih općina, smatram da ne postoji razlog da vijećnice i vijećnici, ali i načelnik ne podrže ovu inicijativu.

### **-vijećnik Mehmed Karkelja-**

Molim da se iz tekuće budžetske rezerve izdvoji 20 000 KM za najuspješnije studente Univerziteta u Sarajevu nosioce priznanja zlatna i srebrena značka i Povelje UNSA sa područja Općine Novi Grad Sarajevo i uz dodjelu odgovarajućeg priznanja doznači i adekvatna novčana nagrada.

Obrazloženje: Sa područja Općine Novi Grad Sarajevo u protekloj školskoj godini priznanje zlatna i srebrena značka i Povelju UNSA dobilo je 27 studenata i to 9 studenata zlatna i 18 studenata srebrena značka. Obzirom da se radi o najuspješnijim studentima sa prosjekom ocjena koji se kreće u rasponu od 9 do 9,83 predlažem da Općina Novi Grad Sarajevo kao lokalna zajednica i lider u većini procesa adekvatno i nagraditi ove mlade ljude te na taj način oda im i svojevrsno priznanje za izuzetne rezultate koji su postigli u toku svog školovanja. Ovo bi pored priznanja za najbolje u generaciji bila i svojevrsna stimulacija za ostale studente i potvrda opredjeljenosti lokalne zajednice da je ulaganje u obrazovanje ulaganje i u budućnost.

Unaprijed zahvalan zbog razmatranja ove inicijative.

### **-vijećnica Enisa Spahić-**

1. Inicijativu za postavljanje fizičke barijere koja bi onemogućavala prolazak auta preko zelene površine. Nesavjesni vozači svakodnevno uništavaju zelenu površinu u ulici Antuna Branka Šimića ispred brojeva 9. i 11. vozeći auta preko zelene površine kako bi skratili put i direktno izašli kod Bosmala.

2. Inicijativu za postavljanje fizičke barijere koja bi onemogućavala parkiranje auta na ćošku preko puta br.9. u ulici Antuna Branka Šimića. Kontinuiranim parkiranjem auta, na ćošku preko puta br.9. (slike u prilogu) u ulici Antuna Branka Šimića, onemogućava se normalan prilaz kamionima KJKP „Rad“ te odvoz smeća.

3. Inicijativu za sanaciju oštećenog stepeništa iz ulice Ante Babića prema parkingu pored Teheranskog trga, Saraj Polje.

### **-vijećnica Edita Šandal-**

1. Podnosim vijećničku inicijativu da se prilikom izrade programa za izgradnju i rekonstrukciju igrališta, uvrsti i izgradnja dječijeg igrališta sa mobilijarom na lokaciji kod ambulante i mjesne zajednice Briješće.

2. Podnosim inicijativu prema organizatoru tj. Kantonu Sarajevo povodom obilježavanja 1. marta – Dana nezavisnosti Bosne i Hercegovine, da se prije polaganja cvijeća ispred Općine Novi Grad Sarajevo intonira himna Bosne i Hercegovine.

Sramotno je da se prilikom obilježavanja 30 godina Dana nezavisnosti BiH organizatori nisu udostojili da organizuju intoniranje himne BiH.

3. Podnosim nekoliko vijećničkih pitanje prema Udruženju Organizaja porodica šehida i poginulih boraca-Novigrad Sarajevo:

-Da li imate spisak djece šehida i koliko njih živi na području Općine Novi Grad Sarajevo?

-Da li i na koji način održavate kontakt sa djecom šehida?

-Zašto do sada prilikom apliciranja na Javni poziv za finansiranje projekata Općine Novi Grad Sarajevo niste napravili projekat na osnovu kojeg bi organizovali veće okupljanje sve djece šehida sa područja Općine jer za veliki broj djece šehida ovo udruženje je velika nepoznanica sa kojim nikada do sada nisu imali apsolutno nikakvog kontakta.

### **-Vijećnica Nejra Džanko-**

Podnosim inicijativu prema Općinskom vijeću da se na sjednici Općinskog vijeća Novi Grad Sarajevo u mjesecu maju stavi tačka Dnevnog reda: Informacija o stanju klizišta u Općini Novi Grad Sarajevo, te da se pozove Zavod za izgradnju Kantona Sarajevo na sjednicu.

Potrebno izjašnjene Općinskog vijeća.

### **-vijećnica Elza Gaković-**

1. Pokrećem inicijativu za iscertavanje pješačkih prelaza na lokacijama:

a) spoj ulice Mustafe Baljića i Safeta Zajke. Na ovoj lokaciji nalazi se stanica da školski autobus kao i autobusko stajalište javnog gradskog prevoza.

b) u ulici Avde Palića kod Holland Company zbog velikog broja školske djece koja na toj lokaciji prelaze ulicu.

2. Podnosim inicijativu za kupovinu zemljišta za namjenu izgradnje parkinga na lokaciji u ulici Senada Čolića za potrebe ambulante, mjesne zajednice, OŠ "Sokolje" i SRC "Zlatno Polje".

Trenutni parking prostor je nedostatan za potrebe Naselja heroja Sokolje.

3. Pokrećem inicijativu za izradu projektne dokumentacije objekta društvenog značaja na području MZ "Zabrđe ". Za potrebe stanovnika ove mjesne zajednice neophodne su prostorije mjesne zajednice, ambulantu, sale za sastanke, apoteke i obdaništa kao i drugih pratećih sadržaja.

4. Izgradnju pješačkih staza u gornjem dijelu ulice Avde Palića kao i iscertavanje horizontalne i vertikalne signalizacije zbog bezbjednosti svih učesnika u saobraćaju naročito školske djece. Zbog česte brze vožnje nesavjesnih vozača i svakodnevnih pritužbi građana ne želim da neko dijete strada.

Inicijativa je upućena prema Direkciji za ceste Kantona Sarajevo kao nadležnim za rješavanje ovog pitanja.

5. Izgradnju dječijeg mobilijara i sportskog igrališta u Smiljevićima.

Općina Novi Grad Sarajevo kupila je zemljište za tu namjenu a obzirom na veliki broj djece potreba za ovakvim sadržajem je sve veća.

6. Gorsku službu spašavanja Novi Grad Sarajevo i njihovom herojskom odnosu prema potrebama naših sugrađana a i šire.

Volonteri GSS Novi Grad Sarajevo za mene su heroji, oni koji su tu kad je najteže.

U doba pandemije COVID 19 bili su prvi na liniji pomažući našim sugrađanima zajedno sa pripadnicima Civilne zaštite.

U poplavama koje su se skoro desile dali su nemjerljiv doprinos.

Naročito mene je dojmila požrtvovanost pri traženju lica na poziv porodica.

Jednostavno projekat ovih heroja zove se ŽIVOT.

Moja inicijativa bila je da se GSS Novi Grad izuzme iz dosadanjeg načina finansiranja te da im se za narednu budžetsku godinu dodijeli poseban budžetski kod ili da se finansiraju iz sredstava namjenjenih njihovoj djelatnosti.

Mi trebamo heroje GSS Novi Grad a oni trebaju uslove za svaku svoju narednu akciju!

7. Podnosim inicijativu za pronalazak lokacije i izradu projektne dokumentacije za dječije i sportsko igralište na području MZ "Reljevo".

### **-vijećnik Hadžan Konjo-**

Upućujem inicijativu da se tokom tekuće godine otpočne sa aktivnostima na proširenju puta u ulici Atife Karalić od broja 21 do broja 27, na području MZ Švrakoni selo I.

Obrazloženje: dio puta u ulici Atife Karalić od broja 21 do broja 27, u dužini od cca 30 metara, na području MZ Švrakino selo I, je nedovoljne širine, što za posljedicu ima otežano mimoilaženje motornih vozila. Pored ovog, na ovom dijelu puta, ugoženi su i pješaci, a posebno djeca koja idu u školu. Potrebno je da se u navedenom dijelu proširi put za cca 1 metar.

### **-vijećnik Adnan Gušo-**

Upućujem vijećnički pitanje kad će se sanirati rupe na požarnim putevima na području Dobrinje i Olimpijskog naselja. Konkretno na Dobrinji 3 gdje u ulici Grada Kalgarija i Trg Sarajevske olimpijade su rupe da je skoro nemogućew proći.

### **-vijećnik Jasmin Smječanin-**

1. Molim za informaciju:

- u kojoj je fazi je uklanjanje objekata i nastavak izgradnje IX tramnsferzale.
- Proširenje pristupnog puta prema ambulanti u MZ, Alipašin most
- Izrada projektne dokumentacije i sanacija obnove saobraćajnice u MZ Alipašin most I, ulica Smaila Šikala od OŠ „Umihana Čuvidina“ do autobuske okretaljke.
- U kojoj e fazi realizacija zamjene postojeće ulične rasvjete u ulici Smaila Šikala MZ „Alipašin most I“
- Kad će se početi izgradnja dječijeg mobilijara kod sportske dvorane uz OŠ „Umihana Čuvidina“
- U kojoj je fazi izgradnja spomen obilježja „Braći Kadić“

2., podnosim inicijativu da se na „Dobrinji 5“ na parceli k.č. 492/2 izgrdi dječije igralište budući da je većinsko stanovništvo mlađe generacije-porodice sa malom djecom koje imaju potrebe za ovakvim sadržajem, a i lokacija je dovoljno zaštićena i u potpunosti odgovara predloženom sadržaju.

### **-vijećnik Adis Pljevljak-**

1. Da se uradi rasvjeta u podvožnjaku, koji se nalazi ispod mosta na Aneksu, i da se redovno sapira/pere od strane komunalnih službi, jer isti služi kao javni wc, a ne kao pomoć/olakšica djeci iz odlaska/povratka u/iz škole.

Prije par dana je auto udarilo dijete na prelazu koji je nad podvožnjakom.

Velika je frekvencija automobila ulicom Safeta Hadžića, tako da bi i ovaj pješački prijelaz trebalo označiti svjetlosnom signalizacijom.

Ovu prelaznu tačku, podvožnjak i pješački prijelaz, koristi veliki broj djece iz tri ulice, plus građani koji idu prema Otoci i obrnuto.

2. U kojoj je fazi realizacija postavljanja otpadnih kanti od Otoke prema tužilaštvu i oko samog tužilaštva

3. Inicijativa za usporivače saobraćaja u ul Aleja Bosne Srebrene na broju 1,2,3.

Obrazloženje Pomenuti ulazi su tik uz navedenu ulicu, sa uskim trotoarom koji razdvaja ulicu od zgrade. Tik uz navedenu ulicu se nalazi i studentski dom S obzirom da je veća dužina pravca bez semafora, raskrsnica, te su i primijecene brže vožnje od strane nesavjesnih vozača, predlažem postavljanje usporivača. Po potrebi, mogu se dobiti potpisi stanara navedenih ulaza

#### 4. Vijećničko pitanje:

Molim da se općinskom vijeću dosta informacija i precizan odgovor u vezi sa podjelom paketa civilne zaštite o kojima se u javnosti govorilo. Tražimo precizno informaciju ko i po kojim kriterijima je pravio spiskove osoba kojima se dodjeljuju? I ko su osobe koje su dijelili i kojih je ovlastio? Da li su u ovom učestvovali savjeti mjesnih zajednica, imamo informaciju da neki jesu a neki savjeti mjesnih zajednica nisu upoznati uopće? U svakom slučaju tražimo da nam se dostave imena osoba koja su vršila podjelu paketa po MZ

5. Pokrećem inicijativu da savjeti mjesnih zajednica zajedno sa sekretarima napravi socijalno kartu i da se ubuduće uvijek aktivnosti sličnog karaktera rade isključivo preko savjeta mjesnih zajednica A ne preko stranačkih aktivista pa makar oni bili angažovani u civilnoj zaštiti

#### **-vijećnik Mirza Memišević-**

1. Pokrećem inicijativu da se obnovi krov sale osnovne škole "Osman Nakaš"

2. Pokrećem inicijativu da se sanira dio ulice Vitkovac kod broja 70

3. Pokrećem i inicijativu da se vremenski interval semafora za pješake na A transverzali poveća kako bi djeca i drugibež problema mogli preći ulicu. Djeca koja pohađaju osnovnu školu "Aleksa Šantić" često senađu u situaciji da tokom prelaska ulice koja ima četiri trake ne stignu do kraja pa su primorana pretrčavati dio ulice.

4. Vijećničko pitanje: S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik - Sarajevo i obrnuto. Kojim povodom su, ako su bili, posjetili Umoljane?

#### **-vijećnik Mirza Selimbegović-**

1. Molim odgovor na pitanje šta se uradilo po pitanju inicijative da se stadion otoka dodjeli na korištenje ženskom nogometnom klubu SFK 2000? Obzirom da je najavljeno da ovaj klub zajedno sa nogometnim savezom i Uefom može da stadion dovedem u željeno stanje i da se poprave uslovi korištenja i otvori mogućnost za međunarodne utakmice.

2. Inicijativa za za dodjelu zakupa poslovnog prostora Općine Novi Grad Sarajevo Udruženju porodica sa troje i više djece "Porodice tri plus"

Obrazloženje: „Porodice tri plus“ jedinstvena je roditeljska organizacija koja okuplja porodice s troje i više djece, zastupa i štiti njihove interese, te doprinosi stvaranju boljih društveno-ekonomskih uslova za porodice s područja općine Novi Grad Sarajevo koji broji oko 2.000 ovih porodica, što predstavlja 11.000 stanovnika. Dosadašnja značajnija ostvarenja „Porodice tri plus“: - Na polju zakonskog zagovaranja, uspješno smo participirali u donošenju prijedloga zakona o безусловnog i bezcenzusnog ostvarivanja prava na dječijeg dodatak za sve porodice s troje ili više djece na području KS. Tako je ova kategorija po prvi put u historiji BiH prepoznata kao posebna društvena kategorija koja se sistemski podržava. - U saradnji sa sportskim društvima na području općine Novi Grad ostvarili smo besplatne članarine i članarine s 50% popusta za svu djecu iz porodica s troje i više djece. - Pored djece iz višečlanih porodica, jednako smo obezbijedili besplatne članarine za svu djecu iz socijalno

ugroženih porodica. - Realiziramo i druge projekte koje jačaju višečlane porodice, afirmišu roditeljstvo i izvode programe koji su u cilju podrške natalitetu. Najveći dio svojih aktivnosti Udruženje realizuje na području Općine Novi Grad Sarajevo. Nažalost, zbog neposjedovanja adekvatnih prostorija aktivisti Udruženja su spriječeni u izvođenje istih, a koje su u interesu roditelja i djece. Ovim putem Vas molimo da Udruženju „Porodice tri plus“ dodijelite prostorije koje su nam, kao organizaciji koja svakodnevno realizira niz aktivnosti, neophodne. Tako biste unaprijedili rad Udruženja i omogućili izvođenje mnogih djelatnosti koje afirmišu roditeljstvo i jačaju porodice. Adresa: Butmirski vrtovi br. 34, Ilidža; Telefon: 061 715 024; E-mail: info@porodiceetriplus.ba; Žiro račun: 1610000253530075; ID broj: 4202850360002 Nadamo se da ćete uvažiti našu molbu i samim tim doprinijeti na razvoju radnih aktivnosti „Porodice tri plus“, a ujedno i podrži porodicama s troje i više djece.

3. Incijative: Radi sigurnosti u saobraćaju potrebno ugraditi sverna ogledala na nepreglednim dijelovima ulica tj. uključenjima u ulice:

Ranovačka broj 38 na izlazu na glavnu ulicu kao i

Ramiza Hrvaića 54 gdje je nepregledno prilikom izlaska na glavnu ulicu.

4. Ugradnja javne rasvjete:

Butilska između 66 -72 gdje je potrebno 2-3 rasvjetna tijela sa stubovima kao i

Butilska između 80 i 88 gdje potrebno 4 rasvjetna tijela na postojeće stubove.

Također potrebna rasvjetna tijela u ulici Djevojačke vode kod broja 3 potrebna 2 rasvjetna tijela i isto tako kod broja 18.

Ranovačka broj 135 je potrebno više od 5 rasvjetnih tijela zbog djece koja u mraku se vraćaju iz škole.

Smatram da su zahtjevi opravdani jer stanovnici duži niz godina čekaju na iste a sa druge strane su skromni zahtjevi koji ne zahtijevaju velika budžetska sredstva niti posebno projektovanja jer se radi o malom broju rasvjetnih tijela.

Molim da navedene prijedloge uvrstite u program osvjjetljenja ulica i trgova za 2022 godinu.

#### **-vijećnik Elvis Hodžić-**

1.Vijećničko pitanje prema nadležnoj službi i ministarstvu: šta se dešava sa građevinskom i nelegalnom ogradom na Alipašinu Polju A faza, na Trgu Međunarodnog prijateljstva, kada će biti uklonjena, i kad će se zemljište privesti krajnjoj namjeni.

2.Inicijativa ispred Komisije za saradnju sa lokalnim zajednicama u BiH i inostranstvu da se izgradi obilježje sa svim općinama i gradovima s kojima Općina Novi Grad sarajevo ima saradnju.

#### **-vijećnik Vernes Ćosić**

Pokrećem inicijativu za kompletnu rekonstrukciju ulice Oslobođilaca Sarajeva.

**SEKRETAR  
OPĆINSKOG VIJEĆA**

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a